



Inatsisartunut ilaasortaq Pele Broberg, Partii Naleraq
Inatsisartut Allattoqarfiat
/Maani

Danskit Kalaallit Nunaanni mittarfiit pillugit suliniummut tunniusimanissaat aamma Kalaallit Nunaat Danmarkilu inuussutissarsiornermi suleqatigiinnerunissaat pillugit danskit naalakkersuisuisa aamma Naalakkersuisut akornanni isumaqatigiissut pillugu § 37 naapertorlugu apeqquteqaammut nr. 2018/284-imut akissut.

16-11-2018
Sags nr. 2018 - 3545
Dok. nr. 9318566

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Asasara Pele Broberg,

Danskit Kalaallit Nunaanni mittarfiit pillugit suliniummut tunniusimanissaat aamma Kalaallit Nunaat Danmarkilu inuussutissarsiornermi suleqatigiinnerunissaat pillugit danskit naalakkersuisuisa aamma Naalakkersuisut akornanni isumaqatigiissut pillugu Inatsisartut Suleriaasianni § 37 naapertorlugu Naalakkersuisunut apeqquteqarputit. Apeqqutitit uannut akisassanngorlugit innersuunneqarput.

Apeqqutit imaapput:

1. Inatsisissamut Siunnersuummi UKA2018/21 saqqummiunneqartumi llanngussaq 7-ip imaa allanngortinneqarsinnaanerpa? (Siunnersuut: Nuummi aamma Ilulissani nunanit tamalaanit mittarfiit kiisalu Qaqortumi nunap immikkoortuani mittarfiup sananeqarnissaannut, ingerlanneqarnissaannut aningaasalersorneqarnissaannullu killiliussatut piumasaqaatit pillugit Inatsisartut inatsisaat nr. xx, xx. xxx 2018-imeersoq. Naalakkersusut danskillu naalakkersuisuisa isumaqatigiissutaat)

Akissut:

Aallaaviatigut isumaqatigiissut isumaqatigiissutaavoq ataatsimoortoq, Inatsisartut aamma Folketing-ip akuersissuteqarnissaat tunuarsimaarfialugu isumaqatigiissutigineqartoq. Allanngortinneqarsinnaasunik isumaqatigiissuummi ilaasoqarnersoq, sioqqutsisumik nassuiar-neqanngilaq.

Kisiannili Inatsisartut akuersissuteqarnissaannut piumasaqaatit isumaqatigiissutip allanngortinniarnissaanik Naalakkersuisut pisussaaffilerneqassagaluarpata, taamaattoqarnerani isumaqatigiissutip allatut imaqartillugu suliarineqarnissaa suli soqutigineqarnersoq danskit naalakkersuisuisa aamma Naalakkersuisut oqaloqatigiissutigisussaassavaat isummerfigi-sussaassallugulu.

Taamaattoqassappat tamatuma kingunerisaanik isumaqatigiissutip nutaap taamaattup imarisassai pillugit nutaamik oqaloqatigiinnerit isumaqatiginninniarnerrillu ingerlanneqartus-sanngussapput. Taamatuttaaq tamatuma kingunerisaanik, illuatungeriit maannakkut piusumit allaanerusunik imaqartumik isumaqatigiissuteqarnissaq isumaqatigiissutigineqassappat, Danmarkimi aamma Kalaallit Nunaanni oqartussat aningaasaliisartut akuersissuteqarnissaannik nutaamik qinnuiginninnissaq pisariaqartinneqalertussaavoq.

2. Angallannermut assartuermullu isumaqatigiissut Naalakkersuisut nittartagaanni aaneqarsinnaavoq, tassanilu maluginiagassavaoq mittarfissanut tunngatillugu inatsisissamut siunnersuummut Naalakkersuisut Qallunaallu naalakkersuisuisa isumaqatigiissutaat ilaatinneqareersoq. Tamanna eqqorpa?

Akissut:

Isumaqatigiissut taaneqartoq "Angallanneq Assartuinerlu" politikikkut partiit sisamat akornanni isumaqatigiissutaavoq. Politikikkut partiit sisamat taakku sinnerlugit Naalakkersuisut ataatsimoortumik akissuteqarsinnaanngillat. Taamaattumik isumaqatigiissuummut tunngatillugu politikikkut partiinut sisamanut taakkununga Naalakkersuisut innersuussipput.

Naalakkersuisunut tunngatillugu, mittarfiliassat aammalu Naalakkersuisut aamma danskit naalakkersuisuisa akornanni isumaqatigiissut taaneqartoq pillugit, najoqqutassat inatsisissatut siunnersuutip saqqummiunneqarneranut atatillugu, ataatsimiititaliami suliarineqarnerata nalaani, aappassaanneernejarnissaanut allannguutissatut siunnersuummik saqqummiussinermi kiisalu ulloq 1. november 2018 inatsisissatut siunnersuutip Inatsisartuni aappassaanneernejarnera nalaani, Naalakkersuisunit Inatsisartunut saqqummiunneqartut, Naalakkersuisut innersuussutigisinnaavaat.

Apeqquummut allanik oqaaseqaatissaqanngilanga.

3. Naalakkersuisut uppersarsinnaanerpaat UKA2018-imi Qallunaat naalagaaffianut isumaqatigiissutip tunngaviatigut allanngortinnissaanik immikkut saqqummiussisoqassasoq?

Akissut:

Apeqquummut akissutitut mittarfissat nutaat pillugit Naalakkersuisut inatsisissatut siunnersuutaannut allannguutissatut siunnersuut, Naalakkersuisut UKA 2018/21-ip aappassaanneernejarnera nalaani saqqummiussaa aammalu aappassaanneerinermi suliarineqartoq akuerineqartorlu, innersuussutigaa.

Allannguutissatut siunnersuutini kiisalu taakkununga nassuiaatini allassimavoq, danskit naalakkersuisuisa aamma Naalakkersuisut akornanni isumaqatigiissutip piviusunngortinneqarinnissaanut tunngavissinissaq, allannguutissatut siunnersuutininut siunertaasoq.

Mittarfiliassat pillugit isumaqatigiissuummi immikkoortut Inatsisartuni politikikkut suliarineqartussanngorlugit allatut saqqummiussinissamik Naalakkersuisut pilersaaruteqanngillat.

4. Inatsisissamut siunnersuut Naalakkersuisut siulittaasuata kiisalu Qallunaat statsministeriata isumaqatigiissutaannik aallaavilik, Demokraatiniit, Inuit Ataqtigiinniit kiisalu Partii Naleqqamiit tapersersorneqanngippat, inatsisissamut siunnersuut qanoq isikkoqartillugu saqqummiunneqarpa?

Akissut:

UKA2018/21 ataani inatsisissatut siunnersuut Inatsisartuni aappassaanneernejarmat, Inatsisartut inatsisissatut siunnersuummut saqqummiunneqartumut, taamatullu allannguutissatut siunnersuummut saqqummiunneqartumut, tapersiinissaq akueraat.

Aningaasaqarnermut Akileraartarnermullu Ataatsimiititaliap inatsisissatut siunnersuutip aappassaanerqarnissaanut isumaliutissiissutaa kiisalu taasineq ingerlanneqareersoq, inatsisissatut siunnersuutip aammalu isumaqatigiissutip Inatsisartuni politikikkut taperser- neqarneranni Naalakkersuisut paasinninnerannut tunggaviusut, Naalakkersuisut tassunga atatillugu innersuussutigisinnaavaat.

Inussiarnersumik inuulluaqqusillunga

A handwritten signature in blue ink, appearing to read 'Kim Kielsen', written in a cursive style.

Kim Kielsen